

大智度論卷第四十四

二百十二
立四

4880



元祿九年丙子二月日重脩

皇圖瓊閣 帝階綴昌

佛日增輝 懋輪崇轉

山城州天安寺法金剛院置

大智度論卷第四十四

五

龍樹菩薩造 姚秦三藏法師鳩摩羅什譯

第十一品釋論幻學品



尔時慧命須菩提白佛言世尊若當有人問
言幻人學般若若波羅蜜當得薩婆若不幻人
學禪波羅蜜毗梨耶波羅蜜羸提波羅蜜尸
羅波羅蜜檀波羅蜜學四念處乃至十八不
共法及一切種智得薩婆若不我當云何答
佛告須菩提我還問汝隨意答我須菩提於
汝意云何色與幻有異不受想行識與幻有
異不須菩提言不也世尊佛言於汝意云何
眼與幻有異不乃至意與幻有異不色乃至



法與幻有異不眼界乃至意識界與幻有異
不眼觸乃至意觸眼觸因緣生受乃至意觸
因緣生受與幻有異不須菩提言不也世尊
於汝意云何四念處與幻有異不乃至八聖
道分與幻有異不不也世尊於汝意云何空
無相無作與幻有異不不也世尊須菩提於
立大智度論卷第四
汝意云何檀波羅蜜與幻有異不乃至十八
不共法與幻有異不不也世尊須菩提於汝
意云何阿耨多羅三藐三菩提與幻有異不
不也世尊何以故色不異幻幻不異色色即
是幻幻即是色世尊受想行識不異幻幻不
異受想行識識即是幻幻即是識世尊眼不

異幻幻不異。眼眼即是幻幻即是眼眼觸因
緣生受乃至意觸因緣生受亦如是世尊四
念處不異幻幻不異四念處四念處即是幻
幻即是四念處乃至阿耨多羅三藐三菩提
不異幻幻不異阿耨多羅三藐三菩提阿耨
多羅三藐三菩提即是幻幻即是阿耨多羅
三藐三菩提佛告須菩提於汝意云何幻有
垢有淨不不也世尊須菩提於汝意云何幻
有生有滅不不也世尊若法不生不滅是法
能學般若波羅蜜當得薩婆若不不也世尊
於汝意云何五受陰假名是菩薩不如是世
尊於汝意云何五受陰假名有生滅垢淨不

不也世尊於汝意云何若法但有名字非身
非身業非口非口業非意非意業不生不滅
不垢不淨如是法能學般若若波羅蜜得薩婆
若不不也世尊菩薩摩訶薩若能如是學般
若波羅蜜當得薩婆若以無所得故須菩提
白佛言世尊菩薩摩訶薩應如是學般若波
立大智度論卷第四
羅蜜阿耨多羅三藐三菩提如幻人何以故
世尊當知五陰即是幻人幻人即是五陰佛
告須菩提於汝意云何是五陰學般若波羅
蜜當得薩婆若不不也世尊何以故是五陰
性無所有無所有性亦不可得佛告須菩提
於汝意云何如夢五陰學般若波羅蜜當得

薩婆若不也世尊何以故夢性無所有無
所有性亦不可得於汝意云何如響如影如
焰如化五衆學般若波羅蜜當得薩婆若不
不也世尊何以故響影焰化性無所有無所
有性亦不可得六情亦如是世尊識即是六
情六情即是五衆是法皆內空故不可得乃
至無法有法空故不可得問曰須菩提何以
故以是事問佛若人問幻人學般若波羅蜜得作佛
不應答言不得幻人虛誑無有本末是事易
答何以故問佛答曰上品佛答舍利弗甚深
空義須菩提作是念諸法一相無分別若小
者幻人及實菩薩無異而菩薩行諸功德得

作佛幻人無實但誑人眼不能作佛問曰幻人不能行功德以無心識云何言行答曰雖實不行人見似行故名為行如幻人以飲食財物七寶布施出家持戒忍辱精進坐禪說法等無智人謂是為行不知是幻須菩提作是念若如佛說諸法一相無所有但是虛誑幻人及實菩薩乃至佛等無有異如幻人亦幻作佛行六波羅蜜降魔兵坐道場成佛道放光明說法度人實菩薩行實道得作佛度衆生有何差別佛言我還問汝隨汝意答我問曰佛何以不直答而還問令隨意答答曰須菩提以空智慧觀三界五衆皆空心生厭離

五
大智度論卷四十四

三

諸煩惱習故雖能摠相知諸佛法空猶有所
貴不能觀佛法如幻無所有以是故方喻說
如汝以五象空為證諸佛法亦尔汝觀世間
五象為空我觀佛法亦尔是故問須菩提於
汝意云何色與幻有異不幻與色有異不乃
至受想行識亦如是若異者汝應問若不異
不應作是問須菩提言不異問曰若色不異
幻可尔幻人有色故云何言受想行識如幻
不異答曰幻人有喜樂憂苦相無智人見謂
為有受想行識後次佛譬喻欲令入知五受
象虛誑如幻五受象雖與幻無異佛欲令解
故為作譬喻象生謂幻是虛誑五受象雖有

與幻無異是故須菩提一心等量知五衆與
幻無異所以者何如幻人色誰肉眼能令生
憂喜若樂五受衆亦能誑慧眼令生貪欲瞋
惱諸煩惱等如幻因少許咒術物事語言為
本能現種種事城郭廬觀等五受衆亦以先
世少許無明術因緣有諸行識名色等種種
立以是故說不異如人見幻事生著心廢其生
大智度論卷第四業幻滅時生悔五受衆亦如是先業因緣幻
生今五衆受五欲生貪瞋無常壞時心乃生
悔我云何著是幻五衆失諸法實相佛問須
菩提樂說門故答言幻與色不異若不異是
法即是空入不生不滅法中若不生不滅云

何行般若波羅蜜得作佛須菩提作是念若
尔者菩薩何以故種種行道求阿耨多羅三
藐三菩提佛知其念即答五衆虛誑但以假
名故号为菩薩是假名中無業無業因縁無
心無心數法無垢無淨畢竟空故佛言菩薩
應如幻人行般若波羅蜜五衆即是幻人無
異從先世業因縁幻業出故是五衆亦不能
得成就佛何以故性無所有故餘變化影響
等亦如是問曰何以故說識即是六情六情
即是五衆答曰是識十二因縁中第三事是
中亦有色亦有心數法未熟故受識名從識
生六入是二時俱有五衆色成故名五情名

成故名意情六情不離五衆以是故說識問

即是六情

曰若尔者十二因緣中處處皆有五衆何以

但識六情有五衆答曰是識今身之本衆生

於現在法中多錯名色未熟未有所能故不

說六情受吾樂能生罪福故說其餘十二因

緣故說五衆五後次佛知五百歲後學者分別

大智度論卷四十四

諸法相各異五雜色法說識雜識法說色欲破

是諸見令入畢竟空故識中雖無五情而說

識即是六情六情中雖不具五衆而說六情

即是五衆後次先世但有心住六情作種種

憶想分別故生今世六情五衆身從今世身

起種種結使造後世六情五衆如是等展轉

是故說識即是六情六情即是五象是法內
空中不可得乃至無法有法空中不可得
須菩提白佛言世尊新發大乘意菩薩聞說
般若波羅蜜將無恐怖佛告須菩提若新發
大乘意菩薩於般若波羅蜜無方便亦不得
善知識是菩薩或驚或怖或畏須菩提白佛
言世尊何等是方便菩薩行是方便不驚不
畏不怖佛告須菩提有菩薩摩訶薩行般若
波羅蜜應薩婆若心觀色無常相是亦不可
得觀受想行識無常相是亦不可得須菩提
是名菩薩摩訶薩行般若波羅蜜中方便獲
次須菩提菩薩摩訶薩應薩婆若心觀色若

相是亦不可得受想行識亦如是應薩婆若
心觀色無我相是亦不可得受想行識亦如
是復次須菩提菩薩摩訶薩應薩婆若心觀
色空相是亦不可得受想行識亦如是觀色
無相相是亦不可得受想行識亦如是觀色
無作相是亦不可得受想行識亦如是觀色
立 大智度論卷四十四
寂滅相是亦不可得乃至識亦如是觀色離
相是亦不可得乃至識亦如是是名菩薩摩
訶薩行般若波羅蜜中方便復次須菩提菩
薩摩訶薩行般若波羅蜜觀色無常相是亦
不可得觀色苦相無我相空相無相無作
相寂滅相離相是亦不可得受想行識亦如

是是時菩薩作是念我當為一切衆生說是
無常法是亦不可得當為一切衆生說吾相
無我相空相無相相無作相寂滅相離相是
亦不可得是名菩薩摩訶薩擅波羅蜜復次
菩薩摩訶薩不以聲聞辟支佛心觀色無常
亦不可得不以聲聞辟支佛心觀識無常亦
不可得不以聲聞辟支佛心觀色吾無我空
無相無作寂滅離亦不可得受想行識亦如
是是名菩薩摩訶薩尸羅波羅蜜復次須菩
提菩薩摩訶薩行般若波羅蜜是諸法無常
相乃至離相忍欲樂是名菩薩摩訶薩羸提
波羅蜜復次須菩提菩薩摩訶薩行般若波

羅蜜應薩婆若心觀色無常相亦不可得乃
至雜相亦不可得受想行識亦如是應薩婆
若心心不捨不息是名菩薩毗梨耶波羅蜜
復次須菩提菩薩摩訶薩行般若波羅蜜不
起聲聞辟支佛意及餘不善心是名菩薩摩
訶薩立禪波羅蜜復次須菩提菩薩摩訶薩行
大智度論卷四十四
般若波羅蜜如是思惟不以空色七空色
即是空空即是色受想行識亦如是不以空
眼故眼空眼即是空空即是眼乃至意觸因
緣生受不以空受故受空空受即是空空即是
受不以空四念處故四念處空空四念處即是
空空即是四念處乃至不以空十八不共法

故十八不共法空十八不共法即是空空即
是十八不共法如是須菩提菩薩摩訶薩行
般若波羅蜜不驚不畏不怖須菩提白佛言
世尊何等是菩薩摩訶薩善知識守護故聞
說是般若波羅蜜不驚不畏不怖佛告須菩
提菩薩摩訶薩善知識者說色無常亦不可
得持是善根不向聲聞辟支佛道但向一切
智是名菩薩摩訶薩善知識說受想行識無
常亦不可得持是善根不向聲聞辟支佛道
但向一切智是名菩薩摩訶薩善知識須菩
提菩薩摩訶薩復有善知識說色若亦不可
得說受想行識若亦不可得說色無我受想

行識無我亦不可得說色空無相無作寂滅
離亦不可得受想行識空無相無作寂滅離
亦不可得持是善根不向聲聞辟支佛道但
向一切智須菩提是名菩薩摩訶薩善知識
須菩提菩薩摩訶薩復有善知識說眼無常
乃至離亦不可得乃至意觸因緣生受說無
立大智度論卷四而常乃至離亦不可得持是善根不向聲聞辟
支佛道但向一切智是名菩薩摩訶薩善知
識須菩提菩薩摩訶薩復有善知識說修四
念處法乃至離亦不可得持是善根不向聲
聞辟支佛道但向一切智須菩提是名菩薩
摩訶薩善知識乃至說修十八不共法修一

切智亦不可得持是善根不向聲聞辟支佛
道但向一切智是名菩薩摩訶薩善知識問
曰須菩提何以生此疑問佛言新發意菩薩
聞是將無恐怖答曰聞無有菩薩行般若若波
羅蜜者但空五衆法亦不能行般若若波羅蜜
以是故生疑誰當行般若若是故問佛佛言若
菩薩內外因緣不具足當有恐怖內因緣者
無正憶念無利智慧於衆生中無深悲心內
無如是等方便外因緣者不生中國土不得
聞般若若波羅蜜不得善知識能斷疑者無如
是等外因緣內外因緣不和合故生驚怖畏
今須菩提問是方便佛答一切種智相應心

觀諸法亦不得諸法問曰方便有觀色無常
等種種相故不怖畏今何以但說薩婆若相
應心觀諸法故不恐怖答曰菩薩先來但觀
諸法空心麁放生者今憶想分別觀如佛意
於衆生中起大悲不著一切法於智慧無所
得但欲度衆生以無常空等種種觀諸法亦
不得是法如是觀諸法已作是念我九以是法
度衆生令雜顛倒以是故心不著不見定實
有一法譬如藥師和合諸藥冷病者與熱藥
於熱病中為非藥二施中法施火故是名檀
波羅蜜五波羅蜜亦如是隨義分別後次菩
薩方便者非十八空故令色空何以故不以

立

大智度論卷四十四

空相強令空故色即是空是色從本已來常
自空色相空故空即是色乃至諸佛法亦如
是善知識者教人令以是智慧迴向阿耨多
羅三藐三菩提菩薩先知無常空等諸觀今
唯說迴向為異

須菩提白佛言云何菩薩摩訶薩行般若波
羅蜜無方便隨愚知識聞說是般若波羅蜜
驚怖畏佛告須菩提菩薩摩訶薩離一切智
心修般若波羅蜜得是般若波羅蜜念是般
若波羅蜜禪波羅蜜毗梨耶波羅蜜羸提波
羅蜜尸羅波羅蜜檀波羅蜜皆得皆念後次
須菩提菩薩摩訶薩離薩婆若心觀色內空

乃至無法有法空觀受想行識內空乃至意

無法有法空
觀眼內
空乃至

觸因緣生受內空乃至無法有法空於諸空

於諸空

無法有
法空乃
至觀

有所念有所得復次須菩提菩薩摩訶薩行

般若波羅蜜離薩婆若心修四念處亦念亦

得乃至修十八不共法亦念亦得如是須菩提

提菩薩摩訶薩行般若波羅蜜以無方便故

立
大智度論卷四十四

聞是般若波羅蜜驚怖畏須菩提白佛言世

尊云何菩薩摩訶薩隨惡知識聞般若波羅

蜜驚怖畏佛告須菩提菩薩摩訶薩惡知識

教離般若波羅蜜禪波羅蜜毗梨耶波羅蜜

羸提波羅蜜尸羅波羅蜜檀波羅蜜須菩提

是名菩薩摩訶薩惡知識須菩提菩薩摩訶

至觀
法空乃
無法有

薩復有惡知識不說魔事不說魔罪不作是
言惡魔作佛形像來教菩薩離六波羅蜜語
菩薩言善男子用修般若波羅蜜為用修禪
波羅蜜毗梨耶波羅蜜羸提波羅蜜尸羅波
羅蜜檀波羅蜜為當知是菩薩摩訶薩惡知
識復次須菩提惡魔復作佛形像到菩薩所
為說聲聞經若修妬路乃至優波提舍教詔
分別演說如是經不為說魔事魔罪當知是
菩薩摩訶薩惡知識復次須菩提惡魔作佛
形像到菩薩所作是語善男子汝無真菩薩
心亦非阿毗跋致地汝亦不能得阿耨多羅
三藐三菩提不為說如是魔事魔罪當知是

菩薩惡知識後次須菩提惡魔作佛形像到
菩薩所語菩薩言善男子色空無我無我所
受想行識空無我無我所眼空無我無我所
乃至意觸因緣生受空無我無我所檀波羅
蜜空乃至般若波羅蜜空四念處空乃至十
八不共法空汝用阿耨多羅三藐三菩提為
立 大智論卷第四
如是魔事魔罪不說不教當知是菩薩惡知
識後次須菩提惡魔作辟支佛身到菩薩所
語菩薩言善男子十方皆空是中無佛無菩
薩無聲聞如是魔事魔罪不說不教當知是
菩薩魔訶薩惡知識後次須菩提惡魔作和
尚阿闍梨身到菩薩所教離菩薩道教離一

切種智教雖四念處乃至八聖道分教雖擅
波羅蜜乃至教雖十八不共法教入空無相
無作作是言善男子汝修念是諸法得聲聞
證用阿耨多羅三藐三菩提為如是魔事魔
罪不說不教當知是菩薩惡知識復次須菩
提惡魔作父母形像到菩薩所語菩薩言子
汝為湏陀洹果證故勤精進乃至阿羅漢果
證故勤精進汝用阿耨多羅三藐三菩提為
求阿耨多羅三藐三菩提當受無量阿僧祇
劫生死截手截脚受諸苦痛如是魔事魔罪
不說不教當知是菩薩惡知識復次須菩提
惡魔作比丘形像到菩薩所語菩薩言眼無

常可得法乃至意無常可得法眼若眼無我
眼空無相無作寂滅離說可得法乃至意亦
如是用有所得法說四念處乃至用有所得
法說佛十八不共法須菩提如是魔事魔罪
不教不說當知是菩薩惡知識已當遠離
之釋曰先略說無方便今欲廣說無方便所
立謂離一切種智相應心行般若若得是般若若波
大智度論卷四十四羅蜜定相互波羅蜜乃至諸佛法亦如是自
無方便又得惡知識教故復次惡知識大失
利益種種壞人是大大惡因緣故佛更種種因
緣說惡知識相惡知識者教人遠離六波羅
蜜或不信罪福報故教遠離或若般若波羅

蜜故言諸法畢竟空汝何所行或讚歎小乘
汝但自勉老病死苦衆生何豫汝事如是等
種種因緣教令遠離是名惡知識復次惡知
識者不教弟子令覺知魔是佛賊魔者欲界
主有大力勢常憎行道者佛威力大故魔無
所能但能壞小菩薩乃至作佛形像來壞菩
薩行六波羅蜜或讚歎開解論說隨聲聞所
應學經法或作佛身來語之言汝不任得佛
或說眼等一切諸法空何用是阿耨多羅三
藐三菩提為或作辟支佛身或說十方世界
中三乘人空求佛道者但有空名汝云何欲
作佛或教令遠離菩薩三十七品令入聲聞

三解脫門中汝入是三門實際作證得盡衆
苦汝勤精進汝為得四果故何用阿耨多羅
三藐三菩提為或作和上阿闍梨父母來教
令遠離佛道空當受是截手脚耳鼻等以與
求者若不與則破求佛意若與則受是辛苦
或時作阿羅漢比丘被服來為說眼是空無
立大智度論卷四
常相若空無相無作寂滅離乃至諸佛法亦
十三
如是用有所得取相憶念分別說如是等種
種無量魔事不教令覺知是為惡知識遠離
者以其無利益如軟語賊轉來親近則害人
惡知識復過於是所以者何是賊但能害今
世一身惡知識則世世害人賊但能害命奪

財惡知識則害慧命根奪佛法無量寶知已
急當身心遠離

大智度論釋句義品第十二

尔時須菩提白佛言世尊云何為菩薩句義
佛告須菩提無句義是菩薩句義何以故阿
耨多羅三藐三菩提中無有義處亦無我以
是故無句義是菩薩句義須菩提譬如鳥飛
處空無有跡菩薩句義無所有亦如是須菩
提譬如夢中所見無處所菩薩句義無所有
亦如是須菩提譬如幻無有實義如焰如響
如影如佛所化無有實義菩薩句義無所有
亦如是須菩提譬如法性法相法位實際

無有義菩薩句義無所有亦如是須菩提譬
如幻人色無有義幻人受想行識無有義菩
薩摩訶薩行般若波羅蜜時菩薩句義無所
有亦如是須菩提如幻人眼無有義乃至意
無有義須菩提如幻人色無有義乃至法無
有義眼觸乃至意觸因緣生受無有義菩薩
摩訶薩行般若波羅蜜時菩薩句義無所有
亦如是須菩提如幻人行內空時無有義乃
至行無法有法空無有義菩薩摩訶薩行般
若波羅蜜時菩薩句義無所有亦如是須菩
提如幻人行四念處乃至十八不共法無有
義菩薩摩訶薩行般若波羅蜜時菩薩句義

立
大智度論卷十四

十四

無所有亦如是須菩提如多陀阿伽度阿羅
訶三藐三佛陀色無有義是色無有故菩薩
摩訶薩行般若波羅蜜時菩薩句義無所有
亦如是須菩提如多陀阿伽度阿羅訶三藐
三佛陀受想行識無有義是識無有故菩薩
度訶薩行般若波羅蜜時菩薩句義無所有
亦如是須菩提如佛眼無處所乃至意無處
所色乃至法無處所眼觸乃至意觸因緣生
受無處所菩薩摩訶薩行般若波羅蜜時菩
薩句義無所有亦如是須菩提如佛內空無
處所乃至無法有法空無處所菩薩摩訶薩
行般若波羅蜜時菩薩句義無所有亦如是

須菩提如佛四念處無處所乃至十八不共
法無處所菩薩摩訶薩行般若波羅蜜時菩
薩句義無所有亦如是須菩提如有為性中
無無為性義無為性中無有為性義菩薩摩
訶薩行般若波羅蜜時菩薩句義無所有亦
如是須菩提如不生不滅義無處所菩薩摩

立
大智度論卷第四

十五

訶薩行般若波羅蜜時菩薩句義無所有亦
如是須菩提如不作不出不得不垢不淨無
處所菩薩句義無所有亦如是須菩提白佛
言何法不生不滅故無處所何法不作不出
不得不垢不淨故無處所佛告須菩提色不
生不滅故無處所受想行識不生不滅故無

處所乃至不垢不淨亦如是入界不生不滅
故無處所乃至不垢不淨亦如是四念處不
生不滅故無處所乃至不垢不淨亦如是乃
至十八不共法不生不滅故無處所乃至不
垢不淨亦如是須菩提菩薩摩訶薩行般若
波羅蜜時菩薩句義無所有亦如是須菩提
如四念處淨義畢竟不可得菩薩摩訶薩行
般若波羅蜜時菩薩句義無所有亦如是須
菩提如四正勤乃至十八不共法淨義畢竟
不可得菩薩摩訶薩行般若波羅蜜時菩薩
句義無所有亦如是須菩提如淨中我不可
得我無所有故乃至淨中知者見者不可得

知見無所有故須菩提菩薩摩訶薩行般若
波羅蜜時菩薩句義無所有亦如是須菩提
譬如日出時魚有黑闇菩薩摩訶薩行般若
波羅蜜時菩薩句義無所有亦如是須菩提
譬如劫燒時無一切物菩薩摩訶薩行般若
波羅蜜時菩薩句義無所有亦如是須菩提
五 大智度論卷第四
佛戒中無破戒須菩提菩薩摩訶薩行般若
波羅蜜時菩薩句義無所有亦如是須菩提
如佛定中無亂心佛慧中無有愚癡佛解脫
中無不解脫解脫知見中無不解脫知見須
菩提菩薩摩訶薩行般若波羅蜜時菩薩句
義無所有亦如是須菩提譬如佛光中日月

五 大智度論卷第四

十六

光不現佛光中四天天王天三十三天夜摩天
兜率陀天化樂天他化自在天梵衆天乃至
阿迦尼吒天光不現須菩提菩薩摩訶薩行
般若波羅蜜時菩薩句義無所有亦如是何
以故是阿耨多羅三藐三菩提菩薩菩薩義
是一切法皆不合不散無色無形無對一相
所謂無相如是須菩提菩薩摩訶薩一切法
無礙中應當學亦應當知問曰上來佛與須
菩提種種因緣破菩薩字今何以問菩薩句
義答曰須菩提破菩薩字佛不破言菩薩字
從本已來畢竟空但五衆中數假名菩薩而
衆生以假名為實佛言假名無實但從諸法

數和合為名復次諸佛法無量無邊不可思議
須菩提因菩薩字空說般若波羅蜜相今
欲聞佛說菩薩字義因是說般若波羅蜜後
次應問因緣無量無邊所謂佛音聲有六十
種莊嚴能令諸天專聽何況人但音聲令人
樂聞何況說大利益義須菩提從佛聞是事
未發意人當令發阿耨多羅三藐三菩提發
意者未行六波羅蜜當令行行者不清淨當
令清淨清淨行者當令住何鞞跋致地成就
衆生具足佛法乃至一生補處如是等種種
無量因緣利益故佛以須菩提為問主語一
切十方世界在會衆生佛告須菩提無義是

五

大智度論卷四十四

十七

菩薩句義阿耨多羅三藐三菩提無處所亦
無我無名於是中無依止處即是法空無我
名無得道者佛示湏菩提若汝知無我無我
所得阿羅漢者菩薩亦如是於阿耨多羅三
藐三菩提中無我無我所譬如鳥飛虛空無
有足跡菩薩義亦如是行諸法虛空中無依
止罽處以是故言無菩薩句義問曰何等是
菩薩句答曰天竺語法衆字和合成語衆語
和合成句如菩提為一字提為一字是二不合
則無語若和合名為菩提秦言無上智慧薩
埵或名衆生或是大心為無上智慧故出大
心名為菩提薩埵願欲令衆生行無上道是

名菩薩提摩堽後次此品佛及弟子種種因緣
說菩薩摩訶薩義菩薩提一語薩堽一語二語
和合故名為義若說名字語句皆同一事無
所在今須菩薩提問以何定相法為菩薩句義
天竺言波陀秦言句是波陀有種種義如後
譬喻中說問曰但以鳥飛虛空足明句義何
左 大智度論卷第四
以種種廣說答曰衆生聽受種種不同有好
義者有好譬喻者譬喻可以解義因譬喻心
則樂著如人從生端正加以嚴飾益其光瑩
此譬喻中多以義喻義如後所說所謂如夢
如影如響如佛所化是事虛誑如先說菩薩
義亦如是但可耳聞虛誑無實以是故菩薩

不應自高如法性法相實際等句無有定義
如幻人無五衆乃至諸佛法如佛五衆乃至
一切法如有為法中無無為法如無為法中
無有為法無為法不生不滅等諸法中無不
生不滅相亦無異相如三十七品無清淨相
何以故有人著是三十七品法即是結使如
我乃至知者見者淨相不可得問曰我乃至
知者見者等云何淨答曰種種求覓我相不
可得是名我淨第一義中無淨無不淨譬如
洗臭死狗乃至皮毛血肉骨髓都盡是時非
狗非豬不得言淨不得言不淨我乃至知者
見者亦如是以無我空智慧求我相不可得

是時非有我非無我如日出無闇劫盡時無
一切物如佛五衆戒中破戒不可得如日月
星宿真珠等諸天鬼神龍王光於佛光中則
不現從大福德神通力生故菩薩句義亦如
是入是般若波羅蜜智慧光中則不現因是
譬喻教諸菩薩當學一切法不取相無所得
立大智度論卷第四
故須菩提白佛言世尊何等是一切法云何
一切法中無礙相應學應知佛告須菩提一
切法者善法不善法記法無記法世間法出
世間法有漏法無漏法有為法無為法只法
不共法須菩提是名為一切法菩薩摩訶薩
是一切法無礙相中應學應知須菩提白佛

言世尊何等名世間善法佛告須菩提世間
善法者孝順父母供養沙門婆羅門敬事尊
長布施福處持戒福處修定福處勸導福事
方便生福德世間十善道九相脹相血相壞
相膿爛相青相噉相散相骨相燒相四禪四
無量心四無色定念佛念法念僧念戒念捨
念天念善念安般念身念死是名世間善法
何等不善法奪他命不與取邪淫妄語兩舌
惡口非時語貪惱害邪見是十不善道等是
名不善法何等記法若善法若不善法是名
記法何等無記法無記身業口業意業無記
四大無記五衆十二入十八界無記報是名

無記法何等名世間法世間法者五象十二
入十八界十善道四禪四無量心四無色定
是名世間法何等名出世間法四念處四正
勤四如意足五根五力七覺分八聖道分空
解脫門無相解脫門無作解脫門三無漏根
未知立欲知根知根知己根三三昧有覺有觀
大智度論卷四十四
三昧無覺有觀三昧無覺無觀三昧二十明解脫
念慧正憶念八背捨何等八內有相外色觀色是初背
捨內無色相外觀色是二背捨淨背捨身作
證是三背捨過一切色相故滅有對相故一
切異相不念故入無邊虛空處是四背捨過
一切無邊虛空處入一切無邊識處是五背

捨過一切無邊識處入無所有處是六背捨
過一切無所有處入非有想非無想處是七
背捨過一切非有想非無想處入滅受想定
是八背捨九次第定何等九雜欲雜惡不善
法有覺有觀雜生喜樂入初禪滅諸覺觀內
清淨故一心無覺無觀定生喜樂入二禪雜
喜故行捨受身樂聖人能說能捨念行樂入
第三禪斷喜樂故先滅憂喜故不苦不樂捨
念淨入第四禪過一切色相故滅有對相故
一切異相不念故入無邊虛空處過一切無
邊虛空處入無邊識處過一切無邊識處入
無所有處過一切無所有處入非有想非無

想處過一切非有想非無想處入滅受想定
後有出世間法內空乃至無法有法空佛十
力四無所畏四無礙智十八不共法一切智
是名出世間法何等為有漏法五受衆十二
入十八界六種六觸六受四禪乃至四無色
定是名有漏法何等為無漏法四念處乃至
立大智度論卷十四十八不共法及一切智是名無漏法何等為
有為法若法生住滅欲界色界無色界五衆
乃至意觸因緣生受四念處乃至十八不共
法及一切智是名有為法何等為無為法不
生不住不滅若染盡瞋盡癡盡如不異法相
法性法位實際是名無為法何等為共法四

禪四無量心四無色定如是等名共法何等
名不共法四念處乃至十八不共法是名不
共法菩薩摩訶薩於是自相空法中不應著
不動故菩薩亦應知一切法不二相不動故
是名菩薩義問曰須菩提何以先問世間善
法後問出世間法答曰先問麁後當問細先
知世間相後則能知出世間相世間善法者
知有罪有福果報有今世後世有世間有涅槃
槃有佛等諸賢聖今世後世及諸法實相證
所謂孝順父母等乃至十念如法得物供養
供給沙門沙門名為出家求道人婆羅門名
為在家學問人是二人於世間難為能為利

益衆生故應當供養尊長者叔伯姉兄等恭敬供養是一切修家法布施持戒修定勸導如初品中說方便生福德如懺悔隨喜請佛久住不涅槃轉法輪如雖行空不著空還修行諸善如是等方便生諸福德十善道乃至四立無色如先說十念中八事如先說善念者大智度論卷四十四思惟分別善業因緣制伏其心復次涅槃是次二真善法常繫心念涅槃是善念身念即是身念處與善法相違是名不善法無記法者所謂威儀心工巧心變化心及是起身業口業除善不善五衆餘五衆及虛空非數緣滅等世間法者五衆或善或不善或無記十二人

八無記四三種十八界八無記十三種十善
道四禪四無量心四無色定是善法凡夫人
能得成就故又自不能出世間故名世間法
出世間者三十七品三解脫門三無漏根三
三昧如先說明解脫明者三明解脫者有為
解脫無為解脫念者十念慧者十一智慧正
憶者隨諸法實相觀如隨身法觀一切善法
之本復次八背捨九次第定十八空十力四
無所畏十八不共法如先義中廣說是四念
處等一心為道故又八背捨九次第定等凡
夫所不得名為出世間念慧正憶雖有二種
世間出世間此中說出世間有漏法者五衆

等四禪四無色定無漏法者非世間是四念
處乃至十八不共法有為法略說三相所謂
生住滅三界繫及四念處乃至十八不共法
雖為無為法以作法故是為有為法與有為
相違是無為法復次滅三毒等諸煩惱五衆
等不次第相續如法相法性法住實際等是
五 大智度論卷十四
名無為法問曰色如色不離如如不離色色
下三
是有為云何是無為答曰色有二種一者凡
夫肉眼憶想分別色二者聖人心所知色實
相如涅槃凡夫所知名為色是色入如中更
不生不滅如有為雖是五衆而有種種名字
所謂十二入十八界因緣等無為法雖有三

種亦種種分別名字所謂如法相法住實際
等共法者凡夫聖人生處入定處共故名為
共法不共法者四念處乃至十八不共法菩
薩分別知此諸法各各相是法皆從因緣和
合生故無性無性故自性空菩薩住是無障
礙法中不動以不二入法門入一切法不動
故

立 大智度論卷四十四

其四

大智度論卷第四十四

立

城墪下今廬觀上力居反下修妬下丁教詔
上古孝反急音竺音薩埵下丁
下音照隱音竺音薩埵下丁



山城國級喜郡新村
靈瑞山剛息菴沙門宗桂書寫之

